

ZENICA Gradnja Centra za djecu sa posebnim potrebama

Investicija od 1,3 miliona KM

Završetak radova planiran do ljeta iduće godine

Ambasador Njemačke u BiH Joakim Šmit (Joachim Schmidt), premijer ZDK Miralem Galijašević, kantonalni ministar za socijalnu politiku Josip Martić i načelnici Zenice i Kaknja Husejin Smajlović i Mensur Jašarspahić jučer su položili kamen temeljac za gradnju Centra za rani podsticaj razvoja i ranu intervenciju za djecu sa posebnim potrebama u Zenici.

Ukupna vrijednost projekta je skoro 1,3 miliona KM, koje će osigurati Ministarstvo za razvoj i ekonomsku saradnju SR Njemačke (810.000 KM), Ministarstvo za rad, socijalnu politiku i izbjeglice ZDK (120.000 KM), Općina Zenica (oko 330.000 KM) te „Bild hilft e.V. - Ein Herz für Kinder“ iz Njemačke (oko 40.000 KM).

Završetak gradnje objekta Centra planiran je do polovine



Sa jučerašnjeg svečanog polaganja kamena temeljca

ljeta iduće godine, nakon čega će adekvatnu pomoć i podršku u njemu naći djeca sa po-

teškoćama u razvoju i učenju predškolskog uzrasta sa područja ZDK.

A. Dž.